

佛說無上處經

失譯人名今附東晉錄

如是我聞一時佛在舍衛國祇樹給孤獨園爾時世尊告諸比丘有三無上處汝等諦聽當為汝說諸比丘白佛唯然受教佛告比丘三無上處者當七一佛無上處二法九無上處三僧無上處若諸衆生兩足四足無足多足若色無色若想無想非想非無想如來於中說無上處諸比丘若有衆生能於佛無上處起信向心者於天人中得無上果報諸比丘是名初無上處復次諸比丘於有為無為色無色法離欲法為無上處諸比丘若有衆生能於此法無上處起信向心者於天人中得無上果報諸比丘是名第二無上處復次諸比丘僧無上處者若僧若群若叢聚若徒衆中如

來弟子僧為無上處諸比丘若有衆生能於此僧無上處起信向心者於天人中得無上果報是名三無上處時諸比丘聞佛所說歡喜奉行
佛說無上處經